



# Khutba Jummah

HAZRAT MUHYI-UD-DIN AL-KHALIFATULLAH

*Munir Ahmad Azim*

26 Août 2016 ~  
(22 Dhul-Qaddah 1437 AH)

**(Résumé Khutba)**

**Après ki li fine salué tous so bane disciples (et bane musulmans) dans le monde entier avec la salutation de paix dans l'islam (Assalamoualaikum Warahmatullah Wabarakaatuh), Hazrat Khalifatullah (atba) fine lire Tashahoud et Ta'ouz ainsi ki Surah Al-Fatiha, et ensuite li fine axé so Khutba lor le sujet « **L'ISLAM LOR LA GUERRE ET LA PAIX** »:**

L'islam pas enseigne l'agression couma judaïsme fine faire par la loi talion (*c'est-à-dire, œil pou œil, dent pou dent etc. – bane commandements ki Hazrat Moussa (as) ti recevoir*). Et l'islam pas prêche non plus kit contradiction, couma le christianisme dégradé et corrompu ki nous trouver azordi zour pé prêcher. L'islam pas demande nous pou donne l'autre la zoue et en même temps li pas enseigne nous non plus pou vende nous linze pour asté ene l'épée. L'enseignement de l'islam li trouve au plus profond de bane instincts naturels de l'homme, et li favorise la paix dans la seule voie possible. En vérité, l'islam prêche la voie du milieu, kot li ni trop extrême, ni trop laisse-passé, mais la justice bizin faire couma bizin, avec justice, dans façon ki pli correcte d'après la situation ki prévaloir, mais couma Allah conseiller dans Quran Shareef, le pardon et la patience zot meilleur en particulier en ce ki concerne bane tueries (meurtres, assassinats etc.) et bane agressions.

Dans l'ensemble, l'islam interdit l'agression, mais li pousse nous pou combattre si l'absence du combat compromette la paix et promouvoir la guerre. Si l'absence du combat signifie la disparition de la croyance libre et de la recherche de la vérité, alors li nous devoir pou combattre. Sa c'est en effet l'enseignement lor quoi la paix pou capave finalement être construit, et c'est en vérité lor sa l'enseignement là ki le Saint Prophète de l'islam, Hazrat Muhammad (saws) ti baze so bane propres principes et so pratique.

Allah dire dans Quran Shareef:

**« Bane ki dimoune attaque zot, gagne permission pou la guerre, parski zot fine subir ene tort. Allah ena tout capacité pou aide zot. (Permission la guerre fine donné aussi à) bane ki dimoune fine repousse zot depuis dans zot la caze sans aucaine raison, simplement parski zot dire : ‘Nous Maître, c’est Allah.’ Si Allah pas ti faire ene partie dimoune (c’est-à-dire, bane bon) repousse l’autre partie, ti pou surement ena destruction bane couvent, l’église (Chrétien), temple (Juifs) et mosquées, bane l’endroits kot nom Allah mentionné beaucoup. Allah surement aide celui ki aide Li. Allah ena beaucoup la force et grandeur. Sa bane là même ki, si Nous donne zot pouvoir lor la terre, faire zot la prière régulièrement, donne Zakaat, ordonne le bien et empêche le mal. Mais c’est Allah ki prend dernier décision dans tout zaffaire. » (Al-Hajj 22: 40-42).**

Bane versets ki mo fine mette de l’avant montré clairement ki l’autorisation pou la guerre fine donné à bane victimes d’agression. Bondié Le Tout-Puissant (Allah) Li ena tout capacité pou aide bane victimes, c’est-à-dire, bane ki fine gagne pousser de zot la caze à cause de zot la foi/ croyance. Sa l’autorisation là li ene l’autorisation sage parski, si Allah pas ti repousse bane ki cruels avec l’aide (c’est-à-dire, à travers) bane ki justes, alors pas ti pou ena la liberté de la foi et de la religion dans le monde. Allah bizin nécessairement alors aide bane ki aide pou établir la liberté de la religion (kot sakaine ena droit pratique so propre religion en tranquillité, sans aucaine la force ou pression). Alors comme résulta, bane combats zot seulement autorisé kan ene peuple fine longtemps souffert de l’agression machiavélique, violent et ki délibéré, kot agresseur là rode mette so boute néné dans la religion de so victime, et kot li vine de l’avant pou attaque so victime sans aucaine cause réelle, sauf pour satisfaire so propre plaisir satanique.

Le devoir de victime là, si et kan li réussi vine au pouvoir, c’est pou établir la liberté religieuse et pou protége tous bane religions et tous bane lieux de culte. Li servi so pouvoir non pas pour so propre glorification, mais pour veille au soin de bane pauvres, pour veille au progrès du pays et pour promouvoir ene la paix générale. Sa l’enseignement là li clair et précis. Li retire tout bane blâmes ki ti ena lor l’Islam, lor so Saint Prophète (saws) et bane musulmans pour proclamer haut et fort ki bane guerres ki bane musulmans fine faire, pareil couma li claire kan nous guette la vie de bane premiers musulmans, alors sa bane la guerres là ti promouvoir seulement parski zot ti oblize faire li (et non pas par plaisir ou pou faire du tort dans ene façon délibéré). Bane la guerres agressifs, d’attaque ti interdit et pou toujours interdit par l’Islam. Ena sa promesse là ki bane musulmans pou gagne le pouvoir politique, mais selman (Allah) fine mette zot en garde ki sa pouvoir là bizin servi sa non pas pou alimente zot propre grandeur et l’importance, mais pour le bien-être de bane pauvres et pou promouvoir la paix et le progrès.

Le Quran Shareef ordonne à bane victimes d'agression de sa façon là:

**« Combatte, dans chemin Allah dimounes ki combatte ou, mais pas dépasse limites, parski Allah pas content bane ki dépasse limites. Touye zot kot ou trouve zot, et répousse zot de l'endroit kot zot fine repousse ou. Révolte pli mauvais ki touyer. Mais pas faire la guerre contre zot dans Mosquée Sacrée (Haram Shareef), à moin ki sa bane là attaque ou là-dans. Si zot combatte ou, touye zot. Sa, c'est récompense pou bane ki rézette la foi. Mais si zot arrêter – alor Allah accorde zot So pardon et So grâce. Et combatte zot ziska séki tout révolte fini et tout accepter religion Allah. Mais si zot arrêter, considère comme l'ennemi seulement bane ki continuer faire du tort. »** (Al-Baqara 2: 191-194).

La guerre bizin ena lieu seulement pour la cause d'Allah, et non pas pour nous-mêmes et faudé pas ki la guerre li promouvoir par la colère ou soif pou gagne pouvoir. Dans ene la guerre aussi, faudé zamais ena kit excès, bane tel excès ki déplaire Allah. La guerre bizin seulement entre bane parties de bane combattants. Bane agressions lor bane dimounes individuel zot interdit. L'agression contre ene religion bizin être contrecarré par ene résistance active, parski ene telle agression li pire ki fanne disang. Bane musulmans faudé zamais la guerre près de Mosquée Sacrée (Haram Shareef), à moins ki ene l'attaque faire d'abord contre zot dans sa bane lieux là par l'ennemi. La guerre près de Masjid-al-Haram li ene l'interférence dans droit du public pour faire le pèlerinage (Hajj et Umra). Mais si bane l'ennemies attaqué là-dans, alor bane musulmans zot libres pou riposter, et sa en effet représente la récompense correcte pou l'ennemi pou l'agression ki zot arrive faire contre bane musulmans dans l'enceinte de Ka'aba Shareef. Mais si l'ennemi désister, bane musulmans bizin renoncer aussi, et pardonner et oublier le passé. Le combat bizin continuer aussi longtemps ki la persécution dans la religion duré et ki la liberté pou pratique la religion pas rétablie. La religion li pour Allah. L'utilisation de la force ou de la pression dans la religion li bien mauvais. Si bane infidèles arrête la guerre et rétabli la liberté de religion/ de culte, bane musulmans aussi bizin renonce pou lutte contre bane infidèles. Bane z'armes bizin prend seulement contre bane ki commette bane excès. Kan bane excès arrêter, bane la guerres là aussi bizin arrêter également.

Mo fine cite zis quelques versets du Quran Shareef pour donne zot ene l'idée lor l'enseignement de l'Islam lor le sujet de la guerre et de la paix. Dans l'ensemble, sa bane versets là dire nous dans ki circonstances, d'après l'Islam, ki nous ena le droit pou faire la guerre et ki bane limites ki bane musulmans bizin observer kan zot en temps de guerre.

Bane l'enseignements de l'Islam, toutefois, pas consister seulement de bane préceptes ki fine mentionner dans Quran. Li comprend également bane préceptes et l'exemple (*Sunna*) du Saint Prophète (saws). Tout saki li fine faire ou enseigné dans bane situations concrét, li également ene élément essentiel de l'enseignement de l'Islam. Mo répète saki mo ti dire zot

dans mo Khutba vendredi dernier et de ce fait, mo mette devant zot quelques paroles du Saint Prophète (saws) lor le sujet de la guerre et de la paix.

1. Li complètement interdit à bane musulmans pou mutile bane morts. (Muslim).
2. Li complètement interdit à bane musulmans pou tricher (pou fer malhonnête). (Muslim).
3. Faudé pas touye, ni bane zenfants, ni bane madames. (Muslim).
4. Faudé pas touye bane vié dimounes, bane handicapés, bane madames et bane zenfants. Bizin toujours garde en vue la possibilité pou faire la paix. (Abu Dawud).
5. Kan bane musulmans rentre dans territoire l'ennemi, zot pas bizin répanne la terreur (la frayeur) dans la population générale. Zot bizin pas permette aucaine mauvais traitement de bane dimounes. (Muslim).
6. Kan ene musulman prend en charge ene prisonnier de guerre, alor sa musulman là bizin nourri et habille sa prisonnier de guerre là pareil couma li nourri et habille li-même. (Bukhari).
7. Faudé pas endommager bane bâtiments publics et bane z'arbres fruitiers (et bane terrains agricoles). (Muwatta de Imam Malik).

Si nous analyse sak interdit et condition ki l'islam fine mette de l'avant, avant ki alle dans la guerre, nous pou réaliser ki Allah fine mette bane musulmans bien en garde pou zamais faire la guerre en premier lieu, mais si arriver zot forcer pou la guerre, alor zot bizin faire li avec équité, en toute justice et zot bizin combatte seulement zot bane agresseurs et oppresseurs et non pas le reste de la population, couma bane madames, zenfants et bane dimounes âgé, et bane musulmans aussi bizin toujours respecter l'environnement. Mais de nos jours, ki nous trouver? Bane musulmans zot ciblé de partout dans bane circonstances, ki zot armés, et non armés aussi! Bane dimounes pé questionne bane symboles Islamiques et bane musulmans pé opprimé dans zot propre pays (natale). Pé bombarde zot alor ki zot pas armé et ki zot pas ena moyens pou riposter.

Sa l'image là fer nous mazine nous bane frères, sœurs et zenfants de Palestine, de la Syrie, de l'Irak et de l'Iran, de Bosnie ainsi ki bane musulmans dans bane les autres pays. Bien ki ene ti groupe de bane musulmans fanatiques bel et bien exister, bane ki servi bane l'enseignements de l'islam dans le mauvais sens, mais la vérité rester ki la majorité de bane musulmans dans sa bane pays là retrouve zot dans ene position kot zot pé bizin supporte sa bane conséquences injuste là. Et personne pas pé aide zot vraiment couma fine commandé par Allah, mais en vérité, par nous la prières (*duahs*), mo bane chers frères, sœurs et zenfants, Allah pou vine certainement en aide pou zot, pou nous. Nous pas ena bane z'armes sophistiquer couma bane les autres ena, nous pas ena kit z'armes physiques pour aide nous bane frères et sœurs musulmans, mais nous ena nous les cœurs et nous la mains ki nous capave servi, ki trempé dans la prière, dans *duahs* pou zot ; nous ena nous bane sacrifices, que ce soit financier ou autre pour aide zot. Si nous, nous impuissants, alor nous bizin garde

à l'esprit ki Allah zamais impuissant. Li le Tout Puissant et capave à tout moment change ene certaine situation, mais bane musulmans BIZIN faire appel à Allah et zamais désespérer de So l'aide ; zamais zot na pas bizin perdi l'espoir dans la miséricorde d'Allah. Seulement alor ki le mécanisme d'Allah pou en marche, pour permette ene nouveau souffle de changement dans le monde, en particulier là kot bane musulmans zot pé opprimé, soit par bane dimounes de bane les autres la foi et religions ou même par bane soi-disant musulmans ki dire (zis lor zot la lèvres) ki zot suive Quran et Sunnah.

Ki Allah permette nous pou aide nous bane frères et sœurs musulmans de n'importe ki façon ki nous capave. Nous pli grand z'arme c'est nous la foi en Allah et bane la prières (duahs et bane Namaz ki nous fer) ki nous dirige vers Li (Allah). Allah entende et réponde à ene appel véritable et sincère. Nous bizin donc obéir Allah dans tous So bane commandements ki Li fine établir et fine mette devant nous afin ki en retour la porte à So miséricorde reste toujours ouvert pour nous. Garde à l'esprit ki si nous pé souffert lor sa la terre là, c'est en effet zis ene souffrance temporaire, parski tous bane musulmans ki justes et pieux pou recevoir ene la caze éternelle dans la paix, mais quant à bane ki pé déclare zot musulmans, mais ki zot bane actions et l'intentions dire lécontraire, alor c'est sa bane là ki bane pli malchanceux/ malheureux, parski zot fine laisse zot Islam alle à la dérive et zot fine attrape fort bane mals au nom de l'Islam. La colère d'Allah pou tombe lor zot et zot la caze pou difé. Ki Allah gagne pitié de tous bane vrais musulmans et préserve nous ainsi ki nous identité et spiritualité en tant ki bane vrais musulmans dans tous les deux lé mondes. *Ameen.*